

Canghvuz Yen Vwnzva Lijyouz Coicaenh Gak Minzczu Samgyau

Gaenh geij ngoenz neix, Aen Hoih 2024 Nienz Gvangjsih Vwnzva Lijyouz Hwnghat youq Vuzcouh Si hai, Canghvuz Yen dwg giz yawjhag aen hoih, aen yienh neix nyinhcaen gvancez lozsiz gij iugouz youqgaenj Siz Ginbingz cungjsuhgi gvendaengz lwnhgangj hong Gvangjsih caeuq gij cingsaenz Aen Hoih Daengx Guek Lijyouz Hwnghat, genhciz soujcingq cauhoq, daezcaet demyauq, yungz-hab hwnghat, baijok rengzhoengh cien

bi yienh ciuhgeq, yinxdaeuz caz vwnzva lijyouz, dap aen bingzdaiz hawj gak cuz ginzcung samgyau, haenqrengz sij biencieng Gvangjsih gij yendaiva yiengh Cungguk ok rengz Canghvuz.
Youq Luzbauj Cin hozdung yienhciegz, gij cezmuz yienjok miz daegsaek, aen haw cauhoq, daizlaeuj congzraez daengj hozdung gyonjcomz caz vwnzva caeuq Yauzyangh vwnzva, hawj gyoengq hekyouz gak cuz daj gak

dieg daeuj haenx cienz fuengvih, lai gakdoh gamjsouh gij yinxdaeuz daegbied cazluzbauj. Hozdung neix ciuyinx gyoengq hekyouz gak cuz daeuj ngonzyawj daejniemh, youq ndaw hom caz gvangqlangh dox baedauq doxyau doxyungz.
Gaenh geij bi daeuj, Canghvuz Yen haeujlaeg hagsib gvancez gij shwsiengj youqgaenj Siz Ginbingz cungjsuhgi gvendaengz gyagiengz caeuq gajndeih hong minzczu, genhciz

aeu couqmaenh gij eijsik caezcaemh Cunghvaz Minzczu guh sienqmeh, lai roengzrengz bae hwnqguh, baujhoh caeuq hwnghat aen mbanj minzczu, haenqrengz haivat vwnzva gyaciz cazluzbauj, hawj canjnieb cazluzbauj caeuq lijyouzyez yungzhab, cau h yienh moq lijyouzyez, doicaenh aen mbanj minzczu caeuq lajmbanj lijyouz yungzhab hwnghat, coicaenh gak minzczu samgyau.
(曾华兰/Cwngh Vazlanz)

Ginhsiu Guh Ciet Buenz-vuengz Yauzczu Bi 2024

11 nyied 16 hauh, ciet buenzvuengz Yauzczu bi 2024 youq Ginhsiu Yauzczu Swciyen Yauzduh Gvangjancz guh. Yienhciegz nauhyied raixcaix, hozdung ciuyinx gij hekyouz gak dieg daeuj caeuq gyoengq beixnuengx Yauzczu caez gvaq ciet ndei. Baez ciet neix mboujdan dwg baez hoihhoengh Yauzczu vwnzva ndeu, engq dwg aen hoihhoengh minzczu doxgiet, vwnzva gyauhliuz, baijok le gij yinxdaeuz daegbied Yauzczu vwnzva, engq coicaenh le minzczu doxgiet caeuq vwnzva gyauhliuz.
(庞晓华/Bangz Yaujvaz 严心莹/Yenz Sinhyingz)



▲ Yauzczu ginzcung daenj buhvaq minzczu angqhoh ciet buenzvuengz.

Bangz Yaujvaz ingi



▲ Doxdax yienhciegz yienj minzczu vwnzva.

Cwngh Yenzyenz ingi

2024 Nienz Cungzsanh Yen “Minzczu Dox-giet Beih” Dwkgienz Iucingjsaiq Haiguh

11 nyied 13 hauh, 2024 nienz Cungzsanh Yen “minzczu doxgiet beih” dwkgienz iucingjsaiq youq Cungzsanh Yen Dijyuzganj haiguh. Bet aen doih-dwkgienz daj Fuzgen, Ningzya, Gveicouh, Sinhgyangh, Neimungzguj daengj dieg daeuj haenx gungh caetcib caet boux yindungyenz youq gizneix

beijbuek haenqrem. Hawj gyoengq ginzcung ndaej youq gyawj roxyiuj dwkgienz, gamjsouh gij heiqfaenh naekna minzczu yungzhab caeuq gij yinxdaeuz gak minzczu vwnzva, gyalai gak minzczu samgyau.
(曾园园/Cwngh Yenzyenz 谭湘芸/Danz Sienghyinz)

► Gyoengq gunghyinz youq ndaw cangj gyagoeng faexcuk.



Sanhgyangh: Gyagoeng Faexcuk Bang Demsou

11 nyied 14 hauh, Sanhgyangh Duncuz Swciyen Dougyangh Cin Gunghyez Yenzgih ndaw cangj gyagoeng faexcuk, gyoengq gunghyinz cingq gaenjcieng miz bouhloh bae gyagoeng faexcuk. Gaenh geij bi daeuj, dangdieg

baengh faexcuk lai, haenqrengz hwnghat gij canjnieb gyagoeng faexcuk, hawj gyoengq vunzlai seiqhenz ndaej youq bakdou ranz couhnieb demgya souhaeuj.
(陈霆威/Cinz Dingveih)